

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 240183 24 St
Zenica, 04.02.2025. godine

Općinski sud u Zenici, sutkinja Marina Šapina, u stečajnom postupku nad društvom „ELEKTROKONTAKT SA“ Društvo za proizvodnju, promet i usluge d.o.o. Vareš, ul. Pajtov Han b.b., Vareš, zastupan po punomoćniku Hadžiomerađić Džemi, odvjetniku iz Sarajeva, odlučujući o prijedlogu privremenog stečajnog upravnika Sulejman Ismić iz Visokog, na ročištu održanom dana 04.02.2025. godine, u prisustvu privremenog stečajnog upravitelja i punomoćnika predlagatelja, donio je sljedeće:

R J E Š E N J E

Pozivaju se povjerioci i zainteresirana lica da u roku od 30 dana od dana objavljivanja poziva predlože otvaranje stečajnog postupka i uplate predujam za obezbijedenje troškova stečajnog postupka u iznosu od 3.000,00 KM, na depozitni račun ovog suda broj: 134-010-0000044837 otvoren kod ASA Banke d. d. Sarajevo, te da po izvršenoj uplati predujma sudu dostave uplatnicu, kao dokaz da je uplata izvršena.

Ukoliko u ostavljenom roku povjerioci i zainteresirana lica ne predlože otvaranje stečajnog postupka i ne uplate predujam sud će otvoriti stečajni postupak i odmah zaključiti stečajni postupak nad društvom „ELEKTROKONTAKT SA“ Društvo za proizvodnju, promet i usluge d.o.o. Vareš, ul. Pajtov Han b.b., Vareš, MBS: 43-01-0560-21 (stari broj 1-17474; 65-01-0749-11).

O b r a z l o ž e n j e

Predlagatelj „ELEKTROKONTAKT SA“ Društvo za proizvodnju, promet i usluge d.o.o. Vareš, ul. Pajtov Han b.b., Vareš, zastupan po punomoćniku Hadžiomerađić Džemi, odvjetniku iz Sarajeva, je ovom sudu dana 10.01.2024. godine, podnio prijedlog za otvaranje stečajnog postupka nad ovim privrednim društvom, zbog platežne nesposobnosti stečajnog dužnika.

Rješenjem ovoga suda br. 43 0 St 240183 24 St od 09.10.2024.. godine, pokrenut je prethodni postupak radi utvrđivanja uslova za otvaranje stečajnog postupka nad imovinom stečajnog dužnika „ELEKTROKONTAKT SA“ Društvo za proizvodnju, promet i usluge d.o.o. Vareš, ul. Pajtov Han b.b., Vareš, MBS: 43-01-0560-21 (stari broj 1-17474; 65-01-0749-11) i za privremenog stečajnog upravnika imenovan je Sulejman Ismić iz Visokog, Carica 12.

Na ročištu za ispitivanje uvjeta za otvaranje stečaja održanom dana 04.02.2025. godine, privremeni stečajni upravitelj je izjavio da ostaje kod svog izvještaja od 11.12.2024.godine. Navodi da je nakon više pokušaja uspio kontaktirati zakonskog zatupnika i osnivača društva sa kojim je održao sastanak na kome je poznat sa svim relevantnim činjenicama I koji je upozoren na tačnost davanja podataka i posljedicu skrivanja imovine koja bi predstavljala stečajnu masu.

Navodi da je u razgovoru sa zakonskim zastupnikom i osnivačem društva, te knjigovođom upoznat da je sva imovina odavno uredno prodana i isknjižena te da postoje završni obračuni koji su rađeni

zaključno sa 2023.godinom, a što je u suprotnosti sa podnesenim završnim knjigovodstvenim izvještajima uz prijedlog za pokretanje stečajnog postupka od strane punomoćnika.

Navodi da su računi društva su blokirani još 2021.godine prema izvještaju od strane Centralne banke BiH. Kroz završne bilanse, za 2023.godinu, se pojavljuju sljedeća nezatvorena konta: Konto 005 – Postrojenja, oprema i namještaj iskazan je iznos od 691 KM, a što predstavlja fiskalnu kasu i dio neispravan kompjutera (monitor razbijen prilikom selidbe i centralna jedinica neispravna jer se nije mogao pokrenuti isti), isti nemaju tržišnu vrijednost, s obzirom da se ne mogu prodati. Konto 047 – Potraživanja od kupaca u zemlji iskazan je iznos od 71.400 KM, što predstavlja potraživanja od firmi sa kojima je Društvo radilo dok je obavljalo djelatnost. Najveći dio potraživanja je zatvoren (naplaćen) ili kompenziran ali se usljed blokade računa isto nije moglo provesti kroz dokumentaciju. Tako da je ovaj iznos dosta manji ukoliko bi se uzelo stvarno stanje. Pored toga potraživanja su nenaplativa s obzirom da su firme od kojih se potražuje nelikvidne, te je potraživanje zastarilo, s obzirom da je nastalo još 2017.godine, tako da ovo potraživanje ne može biti predmetnom stečajne mase. Konto 048 – Potraživanja od kupaca u inostranstvu iskazan je iznos od 9.967 KM, što predstavlja potraživanja od firme iz Slovenije u cjelokupnom iznosu te s obzirom da potraživanje nije utuženo već 7 godine isto se ne može prinudnim putem naplatiti (prema međunarodnim finansijskim pravilima), i prema domaćem zakonodavstvu isto je zastarilo, tako da ovo potraživanje ne može biti predmetnom stečajne mase. Po završnom finansijskom obračunu Društvo je imalo ukupne obaveze i to: Dugoročne obaveze na dan 31.12.2023. godine iznose 286.661 KM i iste se odnose na: obaveze po uzetim kreditima 157.455 KM, prema riječima zakonskog zastupnika isti se odnose na kredit od strane firme Elektrokontakt Zagreb te je za isti napravljena nagodba na sudu o međusobnom poravnanju ali se isto nikada nije proknjižilo, predmetno je potvrđeno i odstrane računovođe. Dugoročne obaveze na dan 31.12.2023. godine iznose 286.661 KM i iste se odnose na: Obaveze po uzetim kreditima 157.455 KM, prema riječima zakonskog zastupnika isti se odnose na kredit od strane firme Elektrokontakt Zagreb te je za isti napravljena nagodba na sudu o međusobnom poravnanju ali se isto nikada nije proknjižilo. Predmetno je potvrđeno i odstrane računovođe, Ostale obaveze uključujući i razgraničenja 129.206 KM, predstavljaju pozajmice koje su date od strane vlasnika firme I njegovog sina, a koje navedeni neće potraživati, također potraživanje po istim je I zastarilo. Ostale obaveze uključujući i razgraničenja 129.206 KM, predstavljaju pozajmice koje su date od strane vlasnika firme i njegovog sina, a koje navedeni neće potraživati, također potraživanje po istim je i zastarilo. Društvo ne obavlja nikakvu djelatnost i nema imovinu ili potraživanja, a sva imovina koju je posjedovala navedena firma (stalna sredstva, zalihe, imovine, potraživanja, novac i druga prava) već je odavno prešla u vlasništvo drugih lica ili je propala sa ili bez dokumentacije, te da nisu vođena pravilna knjiženja i usaglašavanja sa stvarnim stanjem, a ukoliko bi se isto uradilo obaveze firme bi bile znatno veće. Ističe da na računu Društva nema sredstava i isti je blokirani prema podacima CBIH. S obzirom na navedeno, te na činjenicu da društvo nema dugovanja po osnovu javnih prihoda, dugovanje po obavezama prema indirektnim porezima te s obzirom da je prijedlog za otvaranje stečajnog postupka podnesen od strane dužnika, nakon što se nije sa povjericima nije mogao napraviti dogovor o izmirenju preostalog duga, po blokadi samog računa a zbog platežne nesposobnosti smatram da je navedeni prijedlog podnesen na vrijeme u skladu sa odredbama člana 61. stav 2. Zakona o stečaju. Smatram da su ispunjeni uslovi za otvaranje stečajnog postupka, s obzirom da je račun blokirani već četiri godine, međutim imajući u vidu da ovo društvo nema nikakve imovine kako pokretne tako i nepokretne, novčanih sredstava, ne naplaćenih potraživanja, iz kojih bi se mogli podmiriti troškovi stečajnog postupka, a istovremeno društvo ima neizmirene obaveze, to predlaže da sud pozove zainteresirane povjerioce, predlagača i zainteresirana lica koja smatraju da treba provesti stečajni postupak nad ovim društvom prethodno izvrše uplatu predujma za obezbjeđenje troškova stečajnog postupka u iznosu od 3.000,00 KM, te ukoliko u roku od 30 dana pozvani ne uplate da sud donese rješenje o otvaranju i zaključenju stečajnog postupka kao i da se predmetno društvo po pravosnažnosti istog briše iz sudskog registra.

Punomoćnik predlagatelja je izjavio da nema primjedbi ni pitanja na Izvještaj privremenog stečajnog upravitelja, te da je suglasan sa prijedlogom privremenog stečajnog upravitelja.

Kako stečajni dužnik ima obaveze, a nema imovine, pa ni za troškove stečajnog postupka, to je sud primjenom odredbe člana 102 st. 7. Zakona o stečaju („Službene novine F BiH”, broj: 53/21) pozvao povjerioce i zainteresirana lica da predlože otvaranje stečajnog postupka i uplate predujam za obezbijeđenje troškova stečajnog postupka. Visina troškova srazmjerno je određena visini troškova koji se očekuju, a koji su potrebni za otvaranje i vođenje stečajnog postupku, a koje je predložio privremeni stečajni upravitelj.

Slijedom navedenog odlučeno je kao u izreci ovog rješenja primjenom odredbe čl. 102 st. 7 Zakona o stečaju (Sl. novine F BiH br. 53/21), a ovim rješenjem povjerioci i zainteresirana lica su upozorena na posljedice propuštanja postupanja po pozivu ovog suda, propisane čl. 102 st. 8 Zakona o stečaju.

POUKA O PRAVNOM LIJEKU:
Protiv ovog rješenja nije
dozvoljena žalba.

Sutkinja:
Marina Šapina, v.r.